

陳眉公訂正黃帝祠額解

雲杜李維禎本寧撰

茗溪韓敬求仲

校

海鹽姚士麟叔祥

祠額解

鄜延使者於役道中部中部黃帝陵在焉使者
謁陵已謁殿見其榜曰龍髯訝之帝騎龍者也
何獨言龍龍合而成體散而成章何獨言髯從

者江今相視而笑莫逆於心會當三歲

詔宗伯遣祠官致祭有司繕治釜藻如令丙令
國請使者幸有以易名使者聞儒生漸衰孔子
孔子繫易曰神農氏沒黃帝堯舜氏作通其變
使民不倦神而化之使民宜之宜以神化爲名
令敬諾起而問曰何謂也使者曰易所指數衣
裳書契宮室棺槨之制舟楫杵臼弧矢之利服
牛乘馬重門擊柝之法黃帝以前未有自無而

躋有故言化也上古人與鹿豕木石游處居不
知所訓行不知所之黃帝制作超恒情思慮之
外而耳目豁然一新天地若再開然故言神也
然所貴乎神化者在宜民耳民安其居美其食
生有養死有藏無穴處風雨阻饑之憂無暴骨
原野之患引重致遠無虞不通無畏暴客文字
既立百官以治萬民以察衣服有章上下等威
秩序不紊易則易從其宜民也弘遠矣孔子不

云乎化而裁之謂之變推而行之謂之通制而
用之謂之法民咸用之謂之神皆是物也假令
推之不行民不咸用安其變化而行鬼神乎大
戴禮家語載孔子言黃帝事率不出繫辭十卦
之旨而後人稍附益之取諸乾坤則有龍衮玄
黃旁觀翬翟程草木之華染畫五采絃纘黼旒
屨履舄璧瑞奉天珩牙昭武而元妃西陵氏教
民蠶矣取諸大壯則有明堂觀賢合宮問道命

匠營國經緯市館界土設井立步制畝風后受
圖割地布九州矣取諸渙與隨則有指南華蓋
方明爲御昌寓驟乘張若謂朋前馬昆闌滑稽
後車矣取諸夬則有孔甲史歸藏易蒼頡沮誦
之書盤盂籩豆奩鏡劔履輿席巾杖戶牖弓矛
金人之銘矣取諸大過則有封崇表木矣取諸
睽與豫則有旗旃刀斧斧鉞鼓吹鐃角靈鞞神
鉦麾纛芮戈雍狐之戟教熊羆貔貅虎使戰

禽蟲尤而放茹豐矣其不盡取于卦而類可相通者則有雲師雲各四輔三公六卿三少二十有四官百有二十職左右大監以監萬國矣則有陶正審封木正赤將橋梁釜甄烹炮醴酪奢龍祝融大封后土辨東西南北分八節紀農功矣則有問伯高立五幣九棘刀布流行矣則有受河圖迎日推策積邪分置閏設靈五官羲和占日常儀占月車陰占風鬼史區占星闕包授

規籌首理算大撓正甲子容成調曆浮箭爲臬孔壺爲漏以考中星而蓋天儀具矣則有伶倫律呂十二簫榮後十二鍾文五聲播八音詩道歌詠桐鼓短簫鐃歌奏之軍中大容雲門大卷咸池之樂張之洞庭之野而北門成倏懼倏怠倏惑矣則有岐伯俞跗雷公察明堂究息脉論九針巫彭桐君處方餌而內經藏靈蘭之室矣凡此孔子所未言要其事與民宣一也管子曰

黃帝置法而不變民安其法不引而來不推而往不使而成不禁而止何以故宜民故也孰謂管子而善言黃帝乎孔子不易矣曰敢問後之言黃帝異於孔子者何也曰事理所有而其時未暇及有不益聖無不損德是不必然者也揆之理而其事不應有是必不然者也不可以無辨也披山通道未嘗寧居遷徙往來無常處竭聰明進智力營百姓焦然肥色旣黥昏然五情

爽惑何鞅掌也東至海登九山南至江登熊湘西至崑崙有軒轅宮與臺若丘射者不敢西鄉則盤樂怠傲耳必不其然圓丘方澤牲玉蘭蒲以昭明禋五祀報功祝嘏成享儻被祛害何放文也明庭接萬神効百靈而朝使之七登之床十絕之帳傍僮乎壽宮萬諸侯而神靈之七千山川封禪與爲多焉則倖福耳必不其然習用干戈以征不享三戰而得志五十二戰而天下

服何武健也玄女授兵王母授符六神戰主五音納策四維按歲黃色長耳善謀赤色小身善變陰符握竒年命立成術數迭出則狙詐耳欲萬戰萬勝流血百里誅同父異母之炎帝而兼其地則凶德耳李法曰塵壘已定穿窬不繇路者殺無聲輕重之法曰自言能司馬不能者寡鼓自言能治里不能者寡社自言能爲官不能官者剿以爲門則淫刑耳必不其然空同廣成

具茨大隗襄城小童并下風問至道稱天師何縛誦也挹五烟于封子授皇錄于紫府奉中黃于東嶽咨餌术于金谷謁雲臺于玄圃采神芝于黃蓋從天皇于峨眉啓丹經于玉屋質道養于二女青靈之臺翔鸞之殿五城十二樓候神執期命曰延年人生一日天帝賜算聖人有加焉軒轅之國不壽者八百歲綴金治之術鑄三鼎象天地人百物爲之視火參爐汞紅于赤霞

鉛白于素雪建岱岳觀遣女子七人雲冠羽衣
奉香火以迎西崑真人而碧霞元君之祀從此
起則方士迂怪耳必不其然淳化鳥獸蟲蛾虎
不妄噬鷲不妄搏狗彘吐菽粟於路而無忿爭
鳳皇巢閣麒麟遊園冀茨屈軼紫房頽莖何碎
隱也寶鼎不酌而沸不汲而盈能息能行礪礪
露壅浮滿澆竭盛水之龜翠媯之魚大螻如羊
大蟪如虹天授元始建帝號而寫示天下天雨

粟鬼夜哭風伯進掃雨師灑道如實有其人則
符命識緯貢諛耳必不其然旁羅日月星辰水
波金木土石順天地之紀幽明之占死生之說
存亡之難五便五闕五色通天之篇相人者祖
焉何要妙也九宮六壬四神八門遁甲太乙飛
鳥龍首登壇集靈塋山相墓青烏八五元辰靈
樞推賊曹演倉穀經曆紛紛恢愷曼衍桃梗葦
索鬱律鞭鬼大合鬼神作爲濇角而斷斬其非

之者下女魃止風雨置之赤水之北晝夢金人
引領長頭玄狐之裘則陰陽拘忌耳食枝重糈
耳巫覡左道耳必不其然垂六禁之科節用水
火財物徹鍾懸滅厨膳殿無壁蓋以白茅何繼
嗇也稷澤玉膏奉玉榮投之鍾山之陽以爲種
陶天下爲一家山見榮者謹封而祭之以致丹
砂黃金銅山四百六十七鐵山三千六百九十
玉爲墨海銘曰帝鴻六乳之鏡九乳之鐘青龍

載駕飛黃服阜獬豸受貽白澤記圖雷獸之骨
以撫夔鼓儋耳竒肱長股貫冑莫不來賓師白
民藥獸而知醫則好貨貴異物耳必不其然四
妃象四星以廣胤祚嫫母貌醜德克而處璇宮
舍官寢去直侍閒居大庭之館齋心服形何嬾
滅也昌意見天祿生子應水德固已非類素女
爲師儀態萬方天老所教衆夫希見以千二百
女昇天則淫媠耳必不其然一十五子得姓者

十四人唐虞三代世爲神聖帝王何盛滿也渾
敦窮奇禱祀饗養亦其後裔猶曰克肖之難白
犬白馬禹黼禹京韓流馮夷三面一臂豕喙豚
路莫非子孫則妖孽耳必不其然其不必然者
于民宜不必盡宜又不必盡黃帝事其必不然
者寧惟民不宜而適以病民在黃帝不宜有壹
是以神化稱是誣聖人而誣天下後世也曰黃
帝而恒人也則可黃帝而聖人也則何敢誣曰

弊有三跽盜魁也而曰世之所高莫如黃帝隰
朋小臣也而愧不若黃帝焦螟廢重也而唯黃
帝見聞易姓而王七十二君也而惟黃帝至泰
山周季迄秦漢學術宗黃老而老子所宗惟曰
黃帝事或肇於帝之前或具於帝之後皆舉而
加之帝身豈惟帝然帝之時有大盜名跽而後
人以名柳下惠之弟有神醫名扁鵲而後人以
名秦越人是推尊之過也上世之傳隱微之說

卒來之辨聞忽之意非君子之道宰我之問黃
帝固矣楊朱曰五帝之事若覺若夢孰見之而
孰證之孟浪之言黃帝所聽笑也是假託之罪
也取合已四人使治四方輒曰黃帝四面雖子
貢得孔子而後解華胥之夢任屈無爲之論離
朱喫詭象罔之求玄珠寓言也而欵啓寡聞者
執以爲真轉相祖述是牽拘之病也太史公曰
尚書但傳堯以來而百家言黃帝其文不雅縉

紳先生難言之誠然卓識哉凡人情所最歆艷
無若仙而所最不測無若鬼其言甘而易溺杳
冥而易疑而黃帝時胥有之史言其時民神異
業禍災不至一再傳而少昊顓頊之代九黎亂
德家爲巫史享祀無度而神弗蠲嘉王不降于
是命重黎絕地天通使復舊常無相侵實民用
安生此去黃帝時幾何而邪說橫議爲害尚爾
況孔子時耶孔子時黃帝書若三墳之類勵有

存者削而不錄斷自唐虞天地變化聖人效之
易所由作也然而曰知變化之道者其知神之
所爲乎變化之道宜民爲本一篇之中不啻三
致意焉慮夫誣天下後世者之藉口也孔子而
後知神化者有子思孟子子思曰至誠如神惟
至誠爲能化孟子曰大而化之謂聖聖而不可
知之謂神不誠無物爲幻而已矣偃師之倡蘭
子之戲西極化人之眩鼻聖之運斤棘端之沐

猴豈不曰神非聖人之神也夫不有言黃帝發
軛紫宮不崇朝而匝六合雕鸞鷹鸞爲旗幟投
弃械爲楓林者乎則此類也小知不可大受曲
藝而已矣扁之斲輪慶之削鏡宋之刻楮疍蠅
之承罇庖丁之解牛豈不曰神非聖人之神也
夫不有言黃帝蹴鞠爲書二十五篇算學以帝
爲先師造酒泉法千歲其味常好種五梁禾順
色置方鬻鶴髓毒瑁犀玉二十餘物漬種粟解

成一金者乎則此類也墨子曰利於人者巧不利於人者拙利人則宜民乃則神化是道也墨子知之而學孔子者奚不若口神化在宜民既聞命矣敢問黃帝騎龍信乎曰未可知也黃帝而上五姓同期四氏叙命栢皇有樂女媧諸君往往言乘龍事殊無稽蔡墨言古者畜龍有蔡龍氏龍水物也物有其它官宿其業其物乃至若泯棄之物乃坻伏孟子言禹平水土驅蛇龍

其指近矣曰敢問黃帝仙登于天群臣焚其衣冠信乎曰未可知也當以孔子爲正榮伊令言黃帝三百年孔子曰民賴其利百年而死民畏其神百年而亡民用其教百年而移故三百年顏子之齊孔子有憂色恐其言堯舜苦蓮之道而重以遂人神農之言將內求而不得不得則惑人惑則死漢武帝求仙聽齊人公孫卿言黃帝事嘆曰誠得如黃帝葉妻子如脫屣耳貪生

則惡死何所不至末年乃以正蠱致衛后戾太
子皆自殺彼既眈視之何讖介焉明惑之甚
者也孔子言死不言仙所以解惑而救死也司
馬子長五帝紀但書崩獨黃帝書崩又書葬得
孔子之意矣歷書載武帝詔曰昔黃帝合而不
死名察度驗定清濁起五部建氣物分數言歷
者膠泥星度推步不行惟黃帝總會星辰次舍
部位其法展轉推求如律呂相生故曰不死猶

而放之道龍可放也亦可擾也龍可擾也亦可
騎也而吾未敢必有此當以孔子爲正乾之象
曰時乘六龍以御天象曰飛龍在天大人造也
豈直龍哉言龍德耳黃帝之騎龍猶是也軒轅
星龍體而因以軒轅帝乎子名黃龍工師名蒼
龍將名應龍角作龍吟馬生龍翼五龍舞河乘
龍辰雲馬師皇獻龍玄蘭香種之苑中安往而
非龍所曼衍哉或曰黃帝龍顏得天庭陽上法

中宿取象文昌戴天履陰秉數制剛身逾九尺
附函挺朶脩髯花窟河日日角蒼色大肩有似
於龍其誰見之古今註載孫興公問羣臣拔龍
鬚鬚墮地而生草曰龍鬚艸有諸龍鬚艸一名
縉雲艸世人妄傳耳今有虎鬚艸江東織爲席
號西王母席可謂是西王母乘虎而墮其鬚乎
其辨晰矣莊生曰一龍一蛇與時俱化浮游乎
萬物之祖物物而不物于物此黃帝之法則也

俗云活法耳又曰黃帝得寶鼎神景是歲己酉
朔旦冬至得天之紀周而復始迎日推策後二
千歲復朔旦冬至凡二十推三百八十年孟康
謂曆終復始無窮已之意與不死同而人爲仙
此與武帝之惑何異哉淮南王誅晉天老聃死
秦失弔之三號而幸以爲仙去則黃帝之仙啓
之也子華子曰采銅煉剛質也登首山就高明
也鼎上水下火二氣升降相濟中和也群龍衆

陽之氣雲龍屬也帝鄉靈臺之闕而心術之變也弓裘衣冠帝所以善世救俗之具也甚矣世之好怪也人主羨慕久生輕舉佞詐希寵之臣從而逢之將其心于黃帝之所造其持論頗不悖孔子夫仙孔子所不道也無論孔子黃帝書曰精神入其門骨骸反其根我尚何存形動不生形而生影冥動不生聲而生響無動不生無而生有形必於者也有生則復於不生有形則

復於無形生者理之必終者也終者不得不終亦如生者不得不生莊列每祖述之黃帝不言仙而人顧以仙爲黃帝重乎無論仙不可知黃帝姓爲公孫爲姬爲已或以生妻丘長姬水以水爲姓或以居軒轅丘以丘爲名或以始造車天下號之軒轅或以曾文曰黃帝子或以龜書成字象軒其母爲昊樞爲附寶爲有蟾氏其生戊巳日以土德王其紀爲疏乾爲流訖古天神

有黃帝是生陰陽至德之世有軒轅氏而六世始爲黃帝黃帝家在橋山而北地子午山復有之上郡五龍山古帝治所五龍氏乘雲登仙與黃帝事相類秦靈公作吳陽上畤祭黃帝皆距橋山近神其說者又云自擇亡日至七十日還壘陵崩墓穴無尸但劍鳥在是非真僞訛誤莫可究詰矣曰然則橋山之祀非耶曰漢元封間巡朔方還祭黃帝冢橋山千八百年不替廢也

禮祭法黃帝正名百物以明民其財有烈於民者也非此不在祀典國家秩祀準則禮經流俗位西南用梟破鏡諸不首其義者咸除之崇德報功祀事孔明非數非疏神人協和傳之萬古可無敵已夫正名百物以明民共財則神化宜民之說也今拜手而謝曰今乃知名之不可苟也卜諸易考諸禮言稱孔子而名後可久也屬
禮史識之